

東岳集二

東槎錄
湖西錄
關西錄
端州錄

廿三

~16
2432
2



2432
12-2



東岳先生集卷之三



東槎錄

辛丑十一月十八日宿坡山

月沙李相公韻



三宿坡山一歲間客心無賴節頻闌斷橋氷雪
 迷前路古渡風潮蹴上灘官序自憐潘岳拙詩
 篇終似孟郊寒去時御史今從事却得居人拭
 目看余以進賀使書狀官四月赴燕京月初
 乃還往來時曾宿于此今又來過故云
 野色蒼蒼雪點殘行人不覺歲將闌峯舍落照
 生輕靄潮捲平沙漲遠灘長路只關王事急

樊裘寧惻曉風寒天公似護江山勝借與明公
作意看右和冬暄

過臨津次使相韻

江天十里渺烟波一帶津流赴洛河海內名區
寧有此客間歸思定如何可憐世故驅人去空
見年光瞥眼過遙羨養翁無箇事夕陽移棹唱
漁歌

安城館次使相韻

落日安城館山深候角長才名供世故客路費
年光壑雪巖泉竇林風吼土囊一旬重到此轉

覺半生忙

洞仙館次從事官鶴谷洪輝世韻

季鷹菰飯畢郎齏滿腹平生肯復饜歲暮却愁
為客遠病來唯覺作詩豪楓林日落寒鴉定雪
岳雲開曉月高安得屏居依老圃直教機事息
秋毫

洞仙館復用坡山韻

關塞迢迢峽路艱旅遊偏覺宦情闌天長落日
低松嶺野盡危橋過石灘鳳鳥下來亭樹老仙
人已去洞雲寒思歸一夜渾無睡自把新詩石

編者

次從事官南郭朴說之贈黃州牧使尹存

中韻

平生不辦作茲遊三子同登百尺樓學士題詩
多態度使君為政最風流天寒宿鳥歸郊外雲
盡遙山出海頭明日清臺應有奏德星今夜聚
西州

冬至前一日中和途中記事口號

西關驛路馬如飛三子睽翩並轡歸客裏暮年
逢小至天邊亂樹帶斜暉篇章屬和吾知忝忝

佐交權古亦稀莫謂比來風日媚陽春一曲破

陰撥

近來天氣甚陰
冬日故未融及之

次都司迎慰使芝峯李潤卿令公平壤清
華館韻

公不求名名自隨公行何疾我偏遲新詩靄靄
春雲態仙骨昂昂野鶴姿此去只應非異路後
生還幸得同時孤城駐馬頻相待日落烟寒淚
水湄

次芝峯李令公寄贈韻

客中今日眼偏開白雪詞高識妙才古國繁華

千載後早梅消息一陽回江山寥落餘箕墓雲
物分明驗魯莖從此春風滿京洛好迎仙詔
共歸來

十二月初一日謹呈使相案下

先世曾同榜年同壽亦同忌辰還並日王事
且趨風天地恩何報丘原祭奠通平生蓼莪痛
泣血向吾公

公先大夫乃某先考榜進士並生戊子
歲並以癸巳十二月初一日棄代今者
某又忝公幕下終身喪日適及於行路

中昊天罔極之懷有不可以言語形容
者輒披血泚筆書以志之

次芝峯韻

一年重過涖江城堪笑能詩謾得聲野樹寒烟
和雪暝海天殘照漏雲明轉頭行樂渾如夢入
眼山川却有情西塞迢迢王事急不堪東望
計歸程是日冬至

次東臯崔令公豈立之韻

六年音信隔存亡一笑尊前意自長末路追隨
欣附驥異鄉棲息見從凰早知蓋代蘇張手直

洗盈箱月露章要與戰詩吾豈敢丈人筆陣正
堂堂

次義州延慰使五峯李相公韻

公會送我我還迎別日無多轉有情未作執鞭
空遣騎何時促席共飛觥深知鮑叔偏憐管却
望箕城便似并忽把來詩煩夜坐驛亭殘燭夢
難成一余先到金郊驛為揮送一騎以迎公行故云

百祥樓次製述官石洲權汝章韻

高樓百尺倚層空千古登臨意不窮大野孤雲
飛鳥外群峯積雪夕陽中手摩星斗天文近坐

歷湖山地勢雄為愛故人詩語妙風烟描出似
良工

上齊山亭次使相寄示韻

地遠官居僻山平野勢寬茲亭最奇絕所恨獨
登攀畫角催人發疑雲醞雪寒何時了清賞征
騎及春還使相先向前路不得同上齊山亭故云

納清亭次使相韻

今朝已臘月長路節頻移故國餘千里新梅定
幾枝鳥歸寒浦外客散夕陽時小閣多幽意臨
流且詠詩

新安館次使相韻

此日寧非幸吾生遂得依使車
容托迹賓席覺生輝
臘齋催年急更人報漏
稀殷勤陪笑語心事兩無違

留新安館次使相韻

昨日陪清讌終筵未覺疲
張寒華燭爛林暝凍雲癡
正被羈心苦寧辭酒興衰
今宵有新月歌笑也相宜

次權汝章有懷李實之韻

平生李謫仙愛向酒家眠
氣岸今何似更凌豪

士前

宣川館次使相韻

誰籌長堤貯大川雨雲無復望
油然開荒直作陂千頃
決澮寧虞旱十年共喜
莅民能布澤却憐因地得
全天使君羨攸元居最不但希蹤
鄴令賢

次使相用宣川東軒壁上韻

先祖東槎自西州四度過聲名
動上國翰墨啓吾家世業
諸孫在遺篇此地多不才
叨載筆今復迓皇華

久識宣城好今從太白過依稀板橋浦寂寞謝
公家郭外青山近湖邊白鳥多還慚杜陵客三
十髯先華

次權汝章韻

客愁何日已歸路正茫茫千里身先到孤城地
一方弟兄無近信南北各殊鄉羨爾鴿原集回

頭轉自傷

時汝章之兄翰適客遊
關西來會龍灣故去

龍灣館次車復元韻

孤城重到意如何前月纔從此地過身事自憐
隨泛梗年光偏覺劇頽波塞庭風雪逢人少京

國池臺入夢多賴有同來數君在琴心一曲奏
洋裁

十二月十六日集東臺仍作雪馬之遊次

使相韻

我公實詞伯盛名傾一國賤子亦何幸忝作門
下客龍灣古塞隅得以陪遊矚東臺俯鴨水水
凍寒浪縮暇日恣遨嬉羈懷暢鬱抑是時冬候
暖原野散晴旭北指女真城西瞰遼陽陌大江
自東來其源深莫測下與滄海合黏天杳無壁
夷夏自一家宇宙輸雙目日暮跨雪馬直走長

河側有巖何嶢嶢屹立壓坤軸衆流匯其底百
丈湛凝綠傳聞古老說神龍之所宅恩威在百
刻白日飛霹靂伊余拜稽首嘿禱心自惕始來
天宇晦四顧陰氣塞俄然明月出黑雲散無迹
使我瑩神魂如在水精域因思亂離初六載再
兵革鸞駕此行幸震丘地忽拆關西國咽喉
賊乃奪所扼小醜竟就滅王迹未宜熄社稷
復樹立封疆遂開拓故值中興期此樂詎有極
况吾與數子肝膽兩無隔夜深奏軍伶鏡歌間
鼓笛興酣踏曾水相與窮永夕仰天或大笑臨

風嘯更劃痛飲若鯨吸起舞互雀躍公其無遽
歸時手難驟得水清纓可濯水濁足可濯願言
勗此心慎勿渝金石

使相再用前韻系七言長句遂依次

我恨不及古之人又恨不得生中國每羨山東
李太白布衣早作青雲客狂歌放蕩梁宋間脫
身飄然恣遠矚東韓一隅束壯士獨守甕天同
蝸縮欲駕長風出六合有懷莫騁久掩抑去年
北上元帥臺直對扶桑看曉旭今年西謁天
子庭快馬著鞭馳紫陌燕山漠漠關塞長遼海

洋洋渺難測歸來壯觀如夢中閉門長安空四
壁茲行何幸逐清塵路傍觀者爭拭目皇華擯
從世所榮復喜時英俱在側相公文章是餘事
士望穹窿歸鼎軸錦南藻思一何綺天葩曄曄
敷紅綠唐城氣猛語且健隱若深林虎豹宅韞
也心肝皆錦繡車侯落筆摧霹靂余亦何者蒙
許與踉蹌受一言深自惕金春玉應鼓和氣不覺
嚴冬當閉塞沉冥那復動羈思登眺且可窮勝
跡矧今 皇朝化無外四海為家開壽域東漸
暘谷南朱垠萬里梯航貢毛革我邦偏荷雨露

息草木先春皆甲拆龍灣形勢俯要衝天下之
亢此可挹邊頭還作佳麗城刁斗不驚烽火熄
丹樓紫閣連雲構繡戶紗窓倚天拓靈湫百丈
九龍居斷崖屹立撐斗極統軍高亭寂軒豁回
首崑崙如不隔千鍾竹葉山金壘一曲梅花飄
玉笛謫仙當日縱幽討豈有同遊盛今夕意氣
揚揚相頷眄拍手一笑天地劃是時江空雪新
霽玉輪飛出金波躍奇遊到此樂更無昔者所
慕吾已得公言好飲亦可喜使我胸襟坐滌濯
行當此地留十旬一日應須飲一石

次使相夜坐口占十絕

北去西來歲欲除此生何日賦閑居夜深旅館
偏無寐獨對寒燈且看書

東望孤雲日欲昏可堪 玉事廢冬温天涯忽

作還家夢白髮蕭蕭正倚門

一盃官酒共誰持獨卧燈前枕半歌默笑歸程

驚起坐撚髭還誦記行詩

少年心迹兩清真高枕山東絕世塵堪笑浮名

翻作崇路歧長作未歸人

千里看書兩斷腸鴈行飛散海天長可憐關塞

年年別風雨何時更對床伯兄以高嶺金使時在北塞

寒天風雪病纏身一卧經旬與死隣辛苦却愁

慈母念強題安穩寄歸人

莫道東君隔歲回春風已趁鴈前來故園梅柳

應相待病裡歸心一夜催

蒲團獨坐夜如年惟有孤燈照枕邊老子平生

偏愛靜却教人恠學叅禪余常獨宿人皆以山僧比之故及之

憶歸非為食無魚自是枯腸習野蔬記得山居

風味別芋羹新煮配菁藟右憶臺山別業

十里蘆花映碧江沙洲日落點漁缸一聲邊角

驚歸夢曉雪騷騷打紙窓右夢遊兩宜堂

次使相韻

獨上高城望漢陽塞天斜日冷無光長年奔走
身如梗浮世悲歡鬢欲霜老去宦情輕紫綬病
來醫訣驗青囊羈遊故覺還家樂會待春風為
促裝

扶搖無計上鵬程人世炎涼問幾更綠水紅蓮
叨妙選丹鷄白犬許深盟禮優正合輸身事才
薄何能愜物情歲暮憶歸渾少睡夜窓風雪暗
長檠

臘月二十七日夜坐無聊錄懷奉呈

塞館誰相問羈心忽自驚短茹悲以語孤燭翳
遂明舊曆唯三日吾年已半生預將迎歲酒今
夕要同傾

再用前韻

塞外鄉書絕燈前旅夢驚相公詩忽到寂寞眼
還明異域逢今日浮名誤此生招要一盃酒直
使寸心傾

次使相韻奉呈五峯李相公

曾在華牋字數行客中無耐別愁長一年殘臘

餘三日五夜歸心抵十霜有幸西來同遠役誰
知北望間清光題詩欲報相思意燈火昏昏照
半床

除夕以殘雪夜異鄉人分韻得夜字

大儀斡四運寒暑遞冬夏光陰為過客天地即
傳舍人生處其內萬古同一化誰能獨長年徂
歲不我餘我年三十一我顏已衰謝逝者固莫
追來者安足籍况乃嬰世務奔走靡自暇宿留
關塞眇欻復值此夜旅懷常少悰撫時愈悲吒
幸賴厠群英賓館許邀迓爛然燈燭張初筵羅

酒炙茲行亮非分茲會天所借我起為公壽我
言公勿訝少壯能幾時是身老堪怕達曙且酣
歌顛狂任嘲罵

聯句

何處難忘酒天涯歲暮時汝日沉關雪暗風急
戍笳悲好塞語聞還慣鄉書見較遲汝此時無
一盞何以慰羈離好

次使相正月三日大雪二絕

新正三日逗餘寒密雪漫空到夜殘睡起不知
時序改春城猶作臘天看

畫堂終日靜無人雪片隨風落錦茵忽憶西湖
訪梅處一年空負北枝春

正月初五日孤坐無聊率爾書懷錄呈求
教

客裡仍多病春來轉少歡雪深門晝閉庭靜鳥
空謹對酒誰同酌題詩只獨看塞城風俗異端
坐憶長安

入日晴戲書以志

去年入日雪雲氣蔽清晨今日逢入日天晴淑
景新使事非殊域休徵卜此辰對尊仍自賀直

勝杜陵人

次使相韻

白屋平居對翠屏路歧何事漫勞形江頭遠待
皇華使天上重輝太子星新歲令辰逢七日

聖朝熙運啓千齡羈心祇作還家夢松桂花陰
滿小庭

寒燈明滅篆香銷坐笑郵亭夜正遙供世自憐
孱懦性許身無補聖明朝虛名却忝紅蓮幕
幽夢空尋獨木橋直欲拈簪還舊隱石樓高卧
避人囂

次使相韻題默上人詩卷

客間相見贈新篇戒爾深藏莫浪傳只為遠來酬厚意小才非敢較前賢

十年雲壑掩松扉晚落名途百計非卧病天涯歸未得故山春盡鳥空飛

故上人詩軸次使相韻

歸心迢遞憶巴陵旅宦經年去未能忽有山僧遠相訪一宵清話竟寒燈

次使相贈奏請使趙同知挺韻時奉 誥命冕服而來

天上芝函手捧持春風旋旆路逶遲龍章黼黻來青微鸞紙絲綸降赤墀盛典重頒光國祚明庭共賀肅朝儀藩邦此日 皇恩大椒掖悽涼只益悲懿仁 王后 誥命 並為補賜故云

次五峯相公寄示韻

久為西塞客何處望南州漢樹迷歸路胡山入戍樓衰顏羞對鏡佳節度嚴鈞忽喜清詩到燈宵約共遊

城頭新月細雨後暮天澄抱病詩全廢澆愁酒屢徵歲時今又過人事故相仍會待高軒至寒

齋共看燈

正月十四夜聞使相乘月獨上統軍亭車
秘書先賦一律遂次其韻

雪月金波淨江天玉鏡空深宵倚高閣長嘯起
清風滯卧真堪恨竒遊未得同明朝倘餘興力
疾願從公時余適感微恙

月夜登統軍亭次使相韻

清河遠出白頭山赤壁斜連碧海灣地割女真
通北塞營開都護鎮西關麗家統合三韓後遼
野平分一水間極目高亭千古意暮天無際鳥

飛還

百雉高城萬仞山山頭盡閣俯江灣大荒日落
雲沉樹窮塞春寒雪擁關地理橫分夷夏界月
輪徐轉斗牛間庾公今夜饒餘興醉踞胡床且
未還

次五峯相公寄贈韻公嘗在宣城詩以報

灣矣聞槎音尚遠不克赴約

咫尺宣城路丁寧月夕期如何待高駕空復枉
新詩世故元難料交情只自知北亭愁行立斜
日下西陂

正上人詩卷次西垌韻

爾從山中來還向山中去我本山中客為報山中
侶山中幽事多難與世人語巖花開又落四
時自成序擾擾名利關不可以久處歸去來山
中終當不負汝上人時住妙香山寺

次使相詠軸上畫贈連上人韻

松林隱映出琳宮山色蒼蒼烟霧中短筇斜日
溪橋路世上幾人閑似公
三角山前獨閉關小齋終日對青山西來却展
山僧畫回首雲山愧未還

次五峯相公寄贈韻

塞遠人烟少山長夕照多
旅遊春寂寞歸計日蹉跎
短札愁邊到佳辰病裡過
遙知北樓上留醉擁笙歌

次製述官南窓金餘慶韻送接伴官李相

禮瑗伯玉還朝

塞館愁誰語家書靜不來
可憐為客日更舉別君盃
王事身猶滯春天首獨迴
唯應廣津上開遍北枝梅

次使相韻贈別李伯玉

君家別業余家田
並在廣津故云

東坡集卷之三
又客春風裡孤城落照間
羨君回使節先我到
秦山拜 闕鳴珂動升堂
彩服斑天涯遊子淚
東望不勝潛

正月二十八日冬至使先來通事李景恭
來言 詔使日燈節放假不得辭 朝計
於今日始為起程云戲書以志

聞說皇華使燈宵在 帝州燕山千里路鴨水
二年愁縱遣今晨發行當幾月留春風吹草綠
日夜憶滄洲

次使相韻題鑑上人詩卷韻

毗盧峯與白雲連師在虛空不住天佛性炯於
瓶裡月禪心淨似鉢中蓮前生未盡儒名累見
世長為吏役牽願脫朝簪依丈室智燈能得照
昏眠

奉送進 賀使成判書 誄赴燕京

紫宸開鶴禁黃紙降鸞綸四海謳歌日千秋丹
禮新上章申賀典將命簡名臣士望歸台鼎卿
材冠縉紳早膺 王事重專對 帝庭頻冰雪
遼河路烟花薊樹春南宮忝下掾北闕間清塵
一識良為幸還嗟未得親逢迎古塞外送別暮

江濱天下方騰慶，尊前獨愴神。可憐淹旅館，無計駐征輪。短什聊書志，嚴程且愛身。

奉送 東宮進 賀使朴叅判赴燕京

九天頒玉冊，萬國賀春宮。盛典稽顙望，新封出聖衷。吾王誠自至，使者秩還崇。宿德當朝傑，全才蓋世雄。明庭膺妙簡，異數冠諸公。帝里花初動，郵程雪政融。荒城華表月，古廟伯夷風。甲第笙歌裡，名園錦綉中。遠遊身且健，昭代禮逾隆。賤子真知忝，清尊幸得同。托交無老少，告別忽西東。只願旋車日，升堂許擊蒙。

奉送書狀官趙佐郎誠赴燕京

駟馬朝天憶去年，燕臺迢遞路三千。盤山地闊雲低樹，望海亭高水接天。壯觀政堪供客眼，浮生不用惜離筵。羨君更赴青宮賀，萬國齊趨玉佩聯。

玉事經年滯塞城，春風却送故人行。日沉官渡雲初起，雪盡郵亭草又生。洛下舊遊渾一夢，天涯此別最多情。皇都若見正朝使，為報江頭候客旌。

次東臯崔令公韻贈權汝章

天下奇才合濟時江湖落魄少相知未將長策
干明主誰料新恩賴小詩却遣陳蕃容下榻
向來素粲嘆披帷白衣從事人俱羨幕府紅蓮
媚綠池

君才落落世莫用君名藉藉人共知平生喜讀
太公法七歲能為長句詩載筆今來王儉幕運
籌何日張良帷我欲與之拂衣去東遊陽谷西
咸池

次五峯相公韻題贈珠上人

病來獨作客春到不還山竟日唯憑几經旬瀨

著冠忽驚蝴蝶夢旋炷鷓鴣斑不是流年促衰
顏失故丹

奉贈韓石峯二十四韻

吾愛韓夫子今時王右軍解符隨擯使辭陞拜
明君瑞彩前星動恩波少海分石榴如始摘金
橘藹餘薰賦為朱房綴騷憐綠葉紛移根安息
國結子洞庭瀆錫頁來何遠頌宣藝不群百年
涵雨露一代際風雲命召容兼傳榮光邁聘纁
旋看紆郡紱豈許守鄉枌屢下宸章煥常露
法酒醺承嘉駕義易遭亂補恭焚貳極資天縱

分隕學日勤使書皆聖典所好是皇墳幽什歌
流火周公訓在殷松煤和寶麝蘭紙襲仙芸鐵
索蟠竒骨銀鈎出細筋休論聖張旭肯數婢羊
欣屈曲龍蛇狀縱橫錦繡紋 睿心仍有醉珍
賜詎無勲妙染誰能並鴻私古莫聞感深難可
報涕落復何云黃義諸賢作鋪張大手文盛名
應未泯永世仰清芬

次思菴朴相國韻贈楊萬古

楊蓬萊子

相公風裁動朝紳隔代無日奉面親聞說拜鵲
窩下路古墳寥落卧麒麟

楊脩才力雁東阿冠世文章自一家惆悵丹砂
賦就後蟠桃開落幾番花

聞君一築白雲間金鼎燒丹試九還西塞偶為
蓮幕客夢中瑤草滿空山

次金餘慶韻

西來同作未歸人歲月駸駸閱幾旬關塞山川
千里道是非榮辱百年身名場正愧詩才薄老
境偏憐酒味真想得春風入京國滿城花柳一
時新

次權汝章韻

憶昨東臺飲三江雪月寒忽然人事改更奈歲
華殘薄俗知音少浮生會面難要須編述作留
作異時看

地盡江天濶春深塞日寒萍蹤一何遠桂魄幾
回殘卧病腰支倦逢人拜起難今朝明鏡裡忽
作老翁看

日夕官樓靜天陰塞月微腰間蒼玉佩夢裡綠
簾衣末俗偏多忌初心更覺非遙憐江上宅春
晝鎖柴扉

小技名何著清時宦更微殘生忝賓席懶性誤

朝衣去去年華改看看世道非永懷仍少寐邊
月入幽扉

次使相韻贈義州通判君姓洪名有義字
直老南陽人以已

丑榜生員中
癸巳武科

班庄投筆後千載無英雄獨有南陽翁磻落繼
其風少小擅名翰墨場中年受符黃石公時危
慷慨奮身起大丈夫生世寧能老死文字中忽
脫儒冠就武舉手持白羽之箭烏號弓壯心誓
許國異域期立功我亦談兵好奇策逢君一笑
意氣如長虹安得與子提護十萬兵北擊胡西

擊戎勒石天山上拓地青海京直令三邊無一事歸來奏捷明光宮

為五峯相公題尹晴詩卷 美人三疊

美人來兮月之夕清夜逢兮華堂寂折芙蓉兮一枝結新權兮展良覲青青兮子衿悠悠兮我心指皦日兮為誓東海淺兮非深 美人邁兮不可復覩渺陽臺兮在何許芳草生兮春復春望碧雲兮佳期阻駕赤虬兮驟白螭忽吾道兮長河涓收玉筋兮歌衛風與汝飲兮金屈卮 美人兮美人別愈久兮情彌親嗟鉛華兮易歇

恐後會兮無因一長兮地久恨緜緜兮息未畢朝朝兮暮暮願為雲雨兮無晴日

次權汝章韻

客况那堪說吾生最可憐日華浮遠樹春氣滿平川悵望城南宅荒涼江上田題詩要自慰吟苦不成篇

次權汝章韻

流年冉冉老如期世事紛紛轉益悲暮下陪從非我分城南歸去定何時關雲欲雨春陰重駟館無人午漏遲却喜諸君同旅泊日來相對情

深卮

二月十六日遼東探聽通事扈義男報至
知 詔使已於今月初六日離發北京時
使相以病狀辭

春事看將晚歸程渺不期忽聞華使發奈與相
公辭天地容吾輩行藏係一時殘生昧所適身
計轉參差

二月二十日曉夢說之朝起書至率題寄
謝君以一路檢飭前月廿二日發向海西
行到平山辭病不來

忽罷思君夢仍看寄我書同來偶作別夙計却
成虛世事多翻覆吾儕合卷舒欲將詩報意孤
館雨聲疎

別離篇奉送日沙李相公

別離復別離踟躕重踟躕昔與相公來今與相
公辭相公始來日清曉謁丹墀咫尺日月光燦
淡風雲期 御手脫貂帽玉府分臯比殊恩出
隆眷重選愜疇咨丁寧賜溫語使償公其宜公
乃拜稽首臣何答 聖慈死也當結草生也當
刻肌關路復以脩星駕驅且馳朔雲寒醮醮朔

雪亂綉綉朝出漢陽郭夕次天西陲淹留候華
使歲律坐自移何言許國身謾被二豎欺 王
事未云了上章啓歸旗世情那足道天心良可
疑賤子百僚底汨沒頭角垂亨衢之接引下流
多瑕疵一頽蒙前拂千里忝追隨蒼蠅附驥尾
枯木生華滋甚感相公厚甚愧相公知別離何
太遽踟躕當告誰上以爲公惜下以歎我私承
顏豈無地解携奈此時送送塞城隅望望官道
歧酌酒未成醉心淚已交頤平生丈夫志反爲
兒女悲春日不須照春風不須吹風吹淑氣暖

日照霽景遲我意轉蕭瑟我懷終鬱伊踟躕逝
莫攀嗚呼傷別離

龍灣館奉次遠接使五峯相公韻

清夜華堂醉不歸
夢腰雙舞越羅衣
江風剪剪春寒重
城鼓齶齶漏點稀
畫燭光搖明月轉
艷歌聲過彩雲飛
烏啼却起秦川念
正是家人泣錦機

羈遊經歲未言歸
鄉淚無端欲濕衣
已覺病中歡意減
况堪關外故人稀
浮生聚散雲東去
異地光陰鴈北飛
此夜只須拚一醉
世途從古有

危機

次使相韻

旅髮星星鑷漸稀病軀無力不勝衣夕陽城外
人烟絕寒食天涯土俗非身事至今淹塞館夢
魂那得到郊扉遙知此日揚州路細雨新晴草
故肥

次使相韻題大同權察訪盼詩卷

洛橋殘日暗傷情送我西征過鎬京鴨綠江頭
却相見春風同作出關行

寒食日次使相韻

節物三春半家書一字無可堪逢熟食空此勸
提壺拜掃今人壺招尋舊日娛關河隔鄉里東
望更長吁

次使相韻效輿地志體

龍灣館裡逢寒食鴨綠江邊多北風忽憶去年
麻浦月一尊留醉廣陵翁

次使相韻

南望山川濶西來歲月忙淹留依客館寂寞似
禪房只為詩情瘦難憑酒力狂清明今又過歸
恨不禁長

三月三日劍水途中口號

驛亭烟雨暗長堤堤上垂楊半拂溪故是江南
踏青日行人猶在海天西

次同行韻八絕

金鑾學士狀元郎百首清詩跨盛唐堪笑南宮
舊負外酣歌只似謫仙狂

驛亭迢遞客行遲春事關心鬢欲絲遙憶廣津

烟雨裡萬條楊柳拂溪垂右憶廣津別業

楊花渡口浩烟波銅雀江頭芳草多最愛西湖
風日媚暖沙晴浦鬪群鵝

白駒亭上敲華筵殘月沉江蠟炬燃可惜年年

歌舞地春風回首思茫然右二首憶西湖亭子

烟花三月出 王畿關路風暄燕子飛十二西

州好樓閣笙歌隨處妓成圍

紅粉千行舞袖低三韓佳麗是關西浮生無限

新知樂莫漫傷春背面啼右戲入感舊惜別

美人西去客東來一曲離歌酒一盃謝眺樓前

明月夜願為蝴蝶夢中回

誰將愛刃割芳緣自恨今生未學禪千里郵亭

一掬淚片雲飛散夕陽天右二首戲記即事

次使相韻贈別龜城安府使

灣館奇遊已莫追道中米餞便忘疲
深宵細雨樽前語異日相思只自知

新安館次同行韻八絕

花落官城柳色新客旌拋却故園春
芳筵忽見多相識正覺渾年使事頻

涇水之西第一州春風還與謝公遊
灣頭送罷乘槎使來上迎薰百尺樓

綺筵珠翠狎嬌娥滿酌流霞灑
叵羅此地留歡莫辭醉東華今日足風波

司馬重龍兩狀頭玉宸曾共對珠旒
堪笑亞元官又吟蓮花幕裡玷清流

許渾才大最工詩手把烏絲寫妙詞
下里可能酬白雪捧心空愧似東施

彈罷瑤琴宴未闌雲頭華月轉銀盤
方池水綠新荷滿風露無聲動曉寒

姚黃初拆滿庭香更有花仙闌晚粧
莫恠留連三日飲一年難得此風光

世事波瀾共覆翻不如歸去卧東園
異時杖屨能相訪蘿月松風滿小軒

百祥樓次使相韻

雲錦鷗盤 御賜衣恩波偏沐鳳凰池春風遠
送仙槎去玉節新從古塞歸水暖津亭芳草滿
天晴官閣夕陽遲駕才忝作龍門客却喜清遊
果宿期

百祥樓即席次權汝章韻

層軒綉戶倚天開表裡河山信義哉平楚直臨
滄海盡亂峯遙出白雲來三行寶靨低歌扇百
斛芳醪凸畫罍鞍馬粗酬 玉事了不妨乘月
且徘徊

百祥樓次使相感懷韻

驛亭芳草細萋萋惜別尊前翠黛低莫上高城
更回首東堤却在夕陽西

次權汝章韻贈下獻獻少為浮屠
比長髮還俗

空門無古亦無今萬劫相傳只一心回首青山
却自笑悔從方外費叅尋

百祥樓月夜口占

江城何處望長安日落天晴夜景寒明月滿樓
入寂寂一聲羌笛倚欄干

肅寧館贈別謝 恩使鄭叅判湖赴燕京

城東一拜已經年客裡逢迎即別遙
遼野山平風振塞前門雲濶水浮天
世情翻覆今何恨王事驅馳任獨賢
唱徹驪駒關路暝不堪羈思共茫然

用汝章韻贈別尹正郎國安以謝 恩使書
狀官赴燕京

回塘之上多芳草海棠花發薔薇老
復有芍藥相映紅楊柳枝頭鶯語好
此地逢君還送行尊前細雨傷我抱
驪歌一闕各何之漢水燕山萬里道

次溟江別三絕韻為使相作

百歲縱有盡一心終未移秋期倘相訝
泉路願為期

湛湛長江水搖搖波上船此時腸已斷
况復到秋天

惆悵對芳草看看唯斷魂人事不如意
此情誰與言

仁上人詩軸次使相韻

見說香山有石樓一官羈絆未曾遊
羨渠杖錫飄然去松桂清陰萬壑秋

一春重過古箕京送爾西歸眼却明
浪上故人如問訊別來霜髮滿頭生

附錄

次崔天使登百祥樓韻

代遠接使作

崔顥題詩黃鶴樓後身來作清江遊
清江之上城百雉城頭畫閣臨江流
群山際海地形盡芳草連天春氣浮
忽見新詩更佳絕東韓千載名應留

次崔天使和車輦館盤松韻

黛色寒逾秀虬形老更奇要看存勁節
莫說欠

高枝可但栽培力偏蒙造化私從今倍光彩
為有兩仙詩

次韻天使平壤行韻

西京自是三韓脊城郭周遭亘阡陌中藏巨室
萬餘戶吹笙擊鼓喧日夕達都肇自檀君來遠
我朝鮮雄府開不圖海寇恣吞噬青丘瀕洞迷
黃埃賊火焚燒箕子殿舉國分崩絕來援帝
乃東顧軫下瀋義在禁暴非好戰出師征之靖
虜塵陣勢整整如魚鱗惟時鐵嶺李飛將忠義
堂堂八尺身熊羆之士若雲集指揮號令風霆

身驅直擣賊巢窟一日齊城收七十鼎魚穴
蟻可逃生掃蕩忽見竒筭成豈知困斃猶能鬪
身離楚野哀天兵草間白骨如委積殺氣至今
飛鳥避金鑿學士香案吏捧 詔東來經此地
高才早擅翰墨場寫出新詞代巫陽酌酒為招
壯士魂撫事感時仍惋傷吾邦得免征戰苦千
載幸逢 仁聖主萬方臣妾孰違拒覆燾深恩
流率土遺民今日復邦族再造偏蒙 皇錫福
從茲敝服永無虞下臣不復秦庭哭

奉別顧天使

寶曆千齡睿化隆一時際會盡名公壯元相國
家聲遠學士當朝位望崇玉署幾裁丹鳳詔數
袍長侍紫宸宮邦人此日爭先覩奎壁文光照
海東
曾隨玉帛拜龍袍記得中朝第一豪家世文章
漢司馬風流人物晉山濤旋從北極擎鸞誥卻
使東韓識鳳毛惆悵仙輶不可駐帝鄉西望五
雲高

奉別崔天使

新冊青宮布紫綸海邦持節屬詞臣晴川秀句

傳詩法玉樹清標出世塵仙旆乍淹滄嶼月容
程頻夢帝城春可堪今夜瞻霄漢一點文星向
北辰
汀烟漠漠柳絲絲此地逢迎此別離風采朝中
多士服姓名天下小兒知使生異代猶欲慕得
接清塵豈素期一上瑤京雲路隔夢魂千里倘
相隨

東岳先生集卷之三 東樞錄終

東岳先生集卷之四

湖西錄

萬曆壬寅秋八月初六日乙未以忠清
左道京試官往清風郡十二日入清風
十三日試士十七日罷場十八日抵丹
陽遊島潭十九日還清風二十日乘舟
發清風二十五日甲寅還京城往返凡
二十日

渡漢江作

宿雨今朝霽天高秋日涼平湖明晶晶遠樹靄

蒼蒼將命真知忝隨緣且未妨風巖與水穴吾
得恣徜徉清風郡有風水穴

龍仁途中

今茲秋色早八月葉皆黃梨棗團朝露鷄豚散
夕陽村閭稍安堵禾穀已登場驅馬身何向幽
心憶野庄

早行

客行須早發王事有程期天曠秋曦薄林深曉
露滋川光妨病眼野氣助詩脾信馬隨長路身
閑屬此時

竹山館

古蹊入秋草廨舍似村樓日落郊墟暝蟲鳴庭
宇幽此行非遠役當夜自閑愁倚柱瞻星斗明
河凝不流

入忠州

短角荒城暮空庭古樹秋驅馳榮辱併輾轉歲
時道撫已翻如夢懷人自作愁三春沮外客今
日更湖州

留忠州館雨夜書感

颯颯雨聲急脩脩秋氣新為郎忝水部識字異

詩人三日淹留地百年飄轉身寒恐近床下竟
夕互哀呻

奉簡清風宋明宰壽仁叟

北津風景昔曾聞此去還逢老使君寒碧樓前
秋月滿玉簫吹徹萬山雲北津清風郡江名
經年相別鬢全星策馬東來眼却青明日凝清
高閣上一聲長笛對雲屏郡前有屏山

宋明宰報書至旬月間喪二女兒輒成長
句奉寄以慰

自君貶沙郡歲律坐已移今晨始得書逆月失

女兒大者七歲餘婉孌秀閨儀小者才五歲粧
洗學母為奄忽相繼歿天其何所疵聞者鼻尚
酸况乃傷老慈五十未生男兩鬢半成絲賴此
彭澤慰反作層峯悲脩短各有命神明本無知
三子不數日東野亦有之勿嘆赤子六且誦玄
夫詞有子孰使然無子同曩時東門與季札願
君以為師

凝清閣夜坐次板上韻

江聲浙瀝夜生風江樹蒼蒼江岸空忽有漁人
吹鐵笛小舟撐出月明中

江樓深夜聽寒波玉露滴空秋氣多直欲泠然
御風去碧城何處羽人家

寒碧樓中秋詠月有感記懷

去年翫月玉河館萬里燕城生別愁今夜翫月
沙熱郡一聲羌笛登高樓青山寂寂寒江動白
露泠泠暝靄收王事驅馳鄉國遠此生作客幾
中秋

寒碧樓次壁上韻奉呈宋明宰求和教

客路年光逐水流西關踏盡又南州五更風露
中秋月四郡溪山寒碧樓江上何人吹玉笛使

君無事艤蘭舟明朝試罷堪乘興欲把長竿釣

石洲

八月十五日方鎮試院夜將半忽聞笛聲
寥亮山石可裂即主作宋先生乘舟賞月

也篇內
因記之

凝清閣敬次退溪先生韻閣乃先生所命
名取韋蘇州詩燕寢凝清香之句也公因
用蘇州韻為詩以志詩板今在楣上

高秋夜方永端坐唯焚香難鳴庭牖寂露下床
簟涼素懷幽賞志何意躋斯堂地僻景自澄體
淨心且康形跡無所拘身世兩俱忘華池可以
漱玉漿已云嘗誦我黃庭經詠彼白雲章茲惟

靈仙宅逝將肆翱翔天風吹衣袂神氣愈沈洋
晨起問丹丘乃在東南疆翼朝將抵丹陽郡遊于鳥潭故篇末及之

遊鳥潭

丹陽郡北千尺潭潭中有石名鳥巖三峯駢立
碧琬琰如以神斧工鑄刻其中一峯最奇絕巨
鼇戴出高巉巉靈湫澄澈不見底百鍊菱鏡開
玉函意者造化闕名區洞壑作扃烟霧緘松間
矮屋誰氏居庭草沒蹊無人芟我来投宿縱幽
討心若逸驥遺轡銜平生自許寡不慾獨於山
水忘貪饒是時正逢秋景鮮宵林隱映攢楓杉

短棹榜岸泝奔湍門崖穴壁窺崆嵌

鳥潭上有巖穴巖

泓洄不覺西日晏涼風嫋嫋吹歸帆群巒突起
削劍鏗鳴瀨隱耳諧韶咸溪回谷轉出口乾
坤咫尺分仙凡行當卜築老於斯不憂塵世遭
譏讒誰能汨沒寵辱境白頭奔走穿朝衫書詩
石上誓此志我言非誣神所監

降仙臺下作

亭亭降仙臺幽麗誰與等金剛暨漢水此地乃
得竝俗謂清風山下漢江流故云岡巒如削玉松桂蔚
旁挺風江蕩虛壁霞石散光炯杳然入境隔洞

府邃以迥泓弄驚湍傍岸逗孤艇朗詠招隱
詩仰睇秋天冷林景正蕭疎神魂淒已醒聞昔
羽衣士空飛凌絕頂葱蘢雲樹間尚有燒丹鼎
願吾躡高躅林栖啜芳茗

遊龜潭

四郡山水鄉龜潭境最勝矗立玉笏峯奔峭相
連亘淙流匯其底激湍清且瑩鳴舳逐盤渦蕩
漾發高興霜楓夾層巘雨霽秋容艷地閩人語
絕風灘滿幽聽煩襟坐滌幹俗耳亦云醒返照
下蒼壁素浪光不定鼓舷歌自逸響徹空谷應

緣崖歷松澗憇壑訪蘿逕何處學仙子結茅依
絕磴遙知講王書月夕叩寒磬雲林秀芳芝采
采欲誰贈悵望獨回棹鶴唳川路暝

自島潭放舟乘流而下過龜潭日已夕矣
烟樹間忽有笛聲乃宋使君載酒來候也
峽裏澄潭玉鏡開小舸閑撈月中迴數聲長笛
沙汀遠道是清風太守來

舟中即事二首

雲谷窈且深石峯削如劍洄潭碧無底寒浪動
菱鑑旭日出霞遲輕舩凌波汎行窮幽賞心夙

願無所欠回視人寰內擾擾墮坑陷
峽郡泉石佳秋霽天宇空谷轉武陵源路入華
陽洞日夕林月上露冷江欲凍誰捻白玉瑄更
作梅花弄仙遊難再期對景已如夢

又絕句五首

天影倒淪漪萬頃碧下上惟見白鳥飛三三復
兩兩

雲山高隱隱蒼翠連遠近涼飈起松抄琴筑有
遺韻

潭上多老楓霜葉時自墮盡日相對眠野鹿閑

如我

山嵐翠欲流崖樹赤如染江水中盤回輕浪寒

灑灑

曖曖林景曛溶溶川氣晚孤棹泝仙源月夕澹

忘返

寒碧樓下乘舟而行沿江出峽清境依然
懷不自己詩以志之

高樓十日夢一洗禁城塵嵐撲山臨戶江空月
逼身簾旌礙林遠沙岸逐舟新峽盡猶回首情
如別故人

舟行過皇恐灘到黃江却寄宋使君

桂橈徐轉出松溪峽口秋深錦樹迷
回望洞天人不見夕陽汀草遠含悽

自忠州金串渡乘船而下到廣津上岸船

中記興四首

早識灘勢惡要觀山色佳
綠江撈小牒叩柁對層崖
水落汀沙淨雲生峒樹靈
明昏異狀候一

一愜幽懷地拆雲根出群流
瀉一江雷風常擊薄船石互
礮撞白日蛟龍吼青山鬼魅
懼瞿塘天下險誰

信在吾邦

峽外江流穩汀洲擁碧沙
浦光清徹地山氣晚成霞
無唱行相續村墟望漸賒
白頭磯上老烟

月寄生涯

暝雨鳴寒浦晴峯帶曉嵐
揚帆下惡峽蕩槳度澄潭
石峭江聲怒霜濃樹色酣
恨無吾祖手新

句記幽深

挹翠軒先考外王父自忠州水路還京有紀行諸詩

舟行漫成絕句十七首

直道何憂行路難大江秋水殺風湍
長年三老導我去下瀨船如下阪九

安了此心身便安此身隨處不辭難向來慣踏
人間險笑倚蓬窓經月灘
天末斜陽餘半竿客舟初發片帆寒龍潭水駛
秋風急才下猪灘又鯪灘
亂石利如刀劍刺崩濤洶若虎熊吃今古舟航
惡年少幾人魂骨葬泓坳
巨石相磨劍戟攢輕舸出沒逐回瀾這間計較
無窮事却被旁人錯愕看
灘頭殘日漏雲紅峽樹經霜落晚風白鳥孤飛
綠底事浮沉還在亂波中

誰斲山根啓水程風濤帆楫易摧傾龍淵直與
驪江接曲曲危灘不記名
江面無風細感羅亂山相對碧嵯峨晚不烟雨
濃如墨箇是天公餉我多
蟾江西下峽天分山木蒼蒼遠入雲暫逗蘭橈
吹鐵笛石汀飛散白鷗群
日夜奔川入海流風帆一瞥過長洲舟人但道
孤身北去着孤舟舟在長江流處流惡灘危峽
都過了一任西風吹不休

大灘石險風復雨粟浦江清雲解陰今日權所
昨日怨幾人能得有常心
上灘灘急下灘平只是孤帆一日程舟子爭知
造物意愁聲未斷又歌聲
磨灘水悍石支撐不信揚津鏡面平身事世途
俱似此莫將險易枉關情
西指漢陽行漸近東華平地正風波篙師揖我
笑相賀四十四灘無恙過
江含秋影碧鱗鱗雲散晴巖黛色新三日花樓
無一事畫中風物鏡中身

莫恠滄波緩棹歸風烟無管渚禽飛明朝紫陌
塵如霧車馬紛紛足是非

船中讀挹翠軒集自忠州金灘乘舟還京
紀行諸篇有感而書

伽伽詞伯吾家祖下峽舟中詩紀行山色灘聲

宛如昨檜杉風雨不勝情公詩云灘聲近詩詠
山色映篷窓又云浙

濕檜杉神勒月蒼
逆風雨豆彌舟

星霜一瞥百年中今古還驚日直同卷裏山川
渾不改金灘揮涕憶公公弘治壬戌距今萬曆
壬寅一百有二年公

以四月庚戌自金灘放舟卒亥宿神勒寺上子
次葛山癸丑次豆彌甲寅到廣津余今以八月

庚戌上舟宿處道里日
辰于支前後並同故云

慣誦清心樓上詩還從神勒寺中歸
驚悉古塔今猶在浮世滔滔事易非
公登清心樓次收隱
詩曰驚悉神勒寺前

岩縹緲揚
振郭外山

覽寺秋高巖樹老月溪日落渚烟空
眼底江山無好句吾行已後翠軒翁

滄浪亭次壁上韻在心川山溪

愛此山溪勝飛亭在上頭野烟迷落日
江樹落高秋北望宜憑檻南來且駐舟
坐看歸路曠孤鷺下沙洲

雲容水態媚清秋短角斜陽送客舟
送羨滄浪亭上老百年心跡等沙鷗

禿浦訪南應教子安恭以別業

聞君湖上住今日始來尋森森秋水
蒼蒼楓樹林風波臣節重丘壑聖恩
深誰識北歸者更無塵世心

過臺山故墅

石立三峯秀沙分二水交斷磯依曲渚
虛閣面長郊故業今誰管微循久未拋
玉程出南澗恐被北山嘲

東岳先生集卷之四 關西錄終

東岳先生集卷之五

關西錄

萬曆壬寅秋九月二十二日庚辰以灾
傷按覈御史往平安道十一月二十日
丁丑還朝往返凡五十八日

平山途中

時九月二十六日雪雨大

猪灘昨夜失平津蓐食東陽起犯晨白晝霧雲
低壓地青山雷霹遠噴入客程三日大風雨老
子一生多苦辛策馬驅驅且登道敢將王事惜
微身

洞仙嶺

大嶺高高小嶺長行人秋日汗如漿一年重作
西遊客此地何堪北望鄉天際斷雲低度海兩
餘發葉冷耐霜洞中儻有仙翁在應笑吾生到
底忙

九月三十日入平壤府

今日秋風盡吾人猶遠征誰知蓮幕佐更作繡
衣行兩歲關河路七過箕子城江洲白鷗在深
愧負平生

江西館記事絕句五首

舞鶴山前舞鶴亭白雲流水幾千齡只今不見
仙人在鶴去亭空山自青

容齋相國吾曾祖北斗名高天下聞八十年來

人事改壁間遺記至今存縣館重新記即容齋
先生正德丙午夏所

撰也距今萬曆壬
寅八十有七年

駟騎翩翩御史行弊袍當日老書生可伶徒步

避兵地十載重來還眼明癸巳年避後
亂曾過此邑

小池冰合衰蓬倒古院人稀幽鳥鳴風景依稀

身易老夕陽懷舊更傷情

關外相逢洛下士樽前一曲伽伽琴夜深醉睡

無人喚寒雨蕭蕭風滿林

龍崗館記事絕句四首

一年三踏關西路聞慣龍崗縣最雄今日行窮

未到處海山都入小詩中

滿池荷葉滿庭花西路風光此地多見說堂成

今百載慕齋詩後更誰過澄心堂在客舍東北

臨正德丙寅年所創慕齋金相國詩并記刻在其上

小雨霏霏庭院空驚風索索響枯桐方池水凍

芙蓉死獨對金鳥聽塞鴻

九十慈親六十兒專城為養古來稀自恨年年

遠遊子夕陽空望白雲飛主伴權公調年六十

咸從縣作

曾王父容齋公為金安老所斥嘉靖壬

辰春謫是邑甲午十月二十五日卒于

謫所至丁酉冬安老伏辜命復公舊職

左議政公十八登第五十拜相享年五

十七歲

先祖謫中捐館地至今故老不勝哀誰知六十

九年後却有遺孫乘傳來

東韓百代文章伯西郡三年放逐臣道屈未應

無聖主痛深非獨為先人

南里古村烟黯黯北風殘日草蕭蕭行吟遺地

神如在泣寫新詩擬大招浦里坊縣村名即公

題永柔館

迢遞清溪縣飄零癸巳年携家經此地寄食問

誰怜萬死身仍在重来意惘然新詩記往事留

與邑人傳曾避倭亂

百祥樓夜坐書懷自春徂夏三過于此舒

慘異時氣像蕭索東槎唱酬之盛不然若

夢中事臨風追想其能不一慨乎

春日笙歌地樓臺夜寂寥盛遊如一夢孤嘯憶

群僚月壓香山雪江鳴渤海潮天晴與人事愁

鬢不禁凋

夜渡澄心江入秦川縣

渡頭驛程盡日夕放輕舸為喜江山靜便忘鞍

馬勞暗風吹水急寒月出林高叩柁且乘興夜

深霜滿袍

題秦川館

峽裏松林翳薜蘿縣齋寥落傍巖阿山連香嶽

螺鬢擁水到滄浪玉鏡磨峯老坳翁誰甲乙臘

天梅兩互經過羈遊述興須篇什敢道分留物
色多壁上有五峯李尚書長律一首辛丑季冬
作西峯柳相公近體二首庚子四月日作

憶具大受

百里鸞拙問幾年邑氓猶頌使君賢錦囊詩句
留千首玉樹風標隔九泉知己世間誰復在結
廬湖畔最堪怜懷人可待山陽笛才渡澄江雪
滿顛澄江即澄心江君家別墅在楮子高舍家
田庄在廣津常約結隣以終老馬故及之
亡友綾城具君容字大受號楮島少能
詩弱冠中司馬第三名擅名場屋人皆
以公輔期之未及鯉褐為貧而仕歲丙

申出倅于是縣未幾罷去遺愛在民
至今思之後數年又宰金化辛丑三月
歿于官年甫二十三以不世出之才不
幸短命奈何乎天書以志哀云

重題絕句三首

云石風流子建才那知瓊樹掩泉臺三年作宰
鳴琴地儻有吟魂月夕來

井邑蕭條草樹荒憶君曾此佩銅章鮮于亭上
清詩在名與江流萬古長故訓導鮮于續箕子
之後居于縣南十里

許地有亭名滄茫後五
峯李相公改名曰滄浪

平郊日落鳥飛還十里入烟亂樹間邑宇依然
君不見北風吹淚滴寒山

滄浪亭次板上韻

暫憇東臺上松聲正滿聽與山心有素得酒眼
偏青卜築君高卧艱虞我飽經日西催別去還
愧跡如萍

亂崗重重碧澄川曲曲竒非仙那得到如畫儘
堪疑獨步無人見高情唯月知平生卜居志聊
復與君期

亭下有臺名曰獨步

古順川館夜吟

山行一百里冬日易黃昏谷邃時逢虎林深不
見村如何道途險復此雪霜繁入夜投孤館寒
燈耿客魂

題孟山館三首

四面皆蒼麓蕭然一古衙谷陰飛雪早山擁見
天些邑庫無餘粟民居只數家誰為宣化者科
役可無差
晨起還無事高卷坐小軒公庭但幽鳥解字似
荒村樹密雲巖壑山寒雪擁門莫言官况薄深
峽隔塵喧

萬壑千峯內官居草樹深洞闕溪常咽山高月
易沉可堪投絕境况復值窮陰滿庭今夜雪歸
路恐難尋

今夕知何夕詞 并叙

萬曆三十年壬寅夏四月十一日壬寅
仲兄氏授孟山縣以五月初六日丁卯
上任秋八月十八日丁未奉大夫人來
越九月二十二日庚辰弟^某差平安道
按覈御史 上命急遣之乃以孟山縣
監^臣李^某於^臣兄於法當相避 啓命

仍遣之既竣事已乃覲大夫人於仲兄
氏之縣實是年冬十月二十一日己酉
也時觀察使陽陵許相公^頊以為有大
夫人年七十有一兄能以百里養弟又
奉使而來甚盛事也不可使落莫乃以
縣弊甚為憂乃送米油麴魚蜜等物甚
豐以為壽席需又令成川府撤府內伎
樂以送之以為之樂遂用十一月初五
日壬戌讌于縣館之東軒於是縣之人
賀曰縣在窮山中地甚荒僻古未嘗觀

斯舉也斯豈徒一家之內一時之榮亦
一縣千百載之慶也請為詩以志故作
今夕知何夕詞四闋而遺之云

今夕知何夕人間此會難兄為山縣宰弟作水
曹官聚首緣銜命承顏得盡歡短篇摹盛事傳
與邑中者

今夕知何夕人間此會榮青袍御史牙墨綬使
君兄一世五登筭吾家獨擅名即看餘慶在勞
力慎前程

今夕知何夕人間此會稀九重分使節百里奉

慈闈玉樹聯荆樹斑衣映繡衣邑民相聚賀窮

峽爛生輝

今夕知何夕人間此會無慈顏七十一兒戲弟
兄俱繁吹喧金管新粧艷繡襦願將摩詰手貌
出壽蓮圖

孟山道上寄上成川府伯許寒泉令公

潛

公時新作畫堂於巫山上巔扁以霽月云
見說陽臺上新開霽月堂憑知周茂叔喚起楚
襄王山勢臨江斷灘聲出峽長明朝一樽酒儻
得共徜徉

殷山澹澹亭書贈洪明宰

千尺蒼巖上紅亭迥出雲山平天勢闊川曲野
形分遠路經冬至華筵賴使君憑闌一長嘯不
復怨離群

飛亭俯壓亂山顛縹緲朱簾捲半天長笛一聲
人不寐五更寒月滿前川

降仙樓席上敬贈許明府寒泉先生

千古東明館西關第一州峽深迷楚夢江轉學
巴流水部非何遜神君得許由清樽今日會不
敢惜淹留

戲題降仙樓絕句十二首

降仙樓上降天仙仙子昇天樓宛然碧洞桃花

開自落人間一瞥幾千年 右降仙樓

峩峩丹棟架層空影落琉璃萬頃中莫向風樞

吹玉笛洞庭君在碧雲宮 右倒影軒

上界真人此地遊月中環佩響琅球回頭却笑

秦皇帝謾遣童男入海求 右蓬萊閣

玉露無聲河漢流銀橋直上廣寒樓碧空夜色

清如水不是飛仙不得留 右留仙閣

華閣玲瓏映碧琳水晶簾隔彩雲深黃鷄唱曉

人如玉不用丹砂煉作金

右玲瓏閣

謫下人寰三十秋西來一上集仙樓羽衣道士
揖我去相與乘雲天外遊

右集仙觀

白榆丹桂影婆娑天上星辰手自摩午夜月明
霜似雪霓裳一曲怨孀娥

右玄虛閣

月華星彩共分明入夜天風透骨清十二曲闌
人寂寂紫簫吹遍步虛聲

右伴仙觀

羨人遺我紫瓊琴絃上泠泠流水音西望瑤池
日欲暮青鸞飛下闌風岑

右清和閣

雲共逍遙鶴共眠青山如畫水如烟伯陽丹訣

君休問且誦南華第一篇

右逍遙軒

雕闌曲曲掩金屏樓迥天寒夢易醒咫尺高唐
人不見曉雲飛散石峯青

右通仙觀

神女峯前水急流桂花飄盡白雲秋天孫一去
無歸日月滿仙壇鶴自愁

右昇真閣

自朝天以來未滿一稔三作西行淚右山
川登覽殆遍且清風寒碧與成川降仙談
者相甲乙數月之內驅馳於數千里之外
身世勞勞良可慨然而俛仰顧眄之間得
窮二樓風致斯亦一奇事也戲書以識之

前值春風後值秋一年三渡浪江頭水曹自是多詩思題遍西州處處樓
丹樓百尺綺筵開今古留連酒幾杯却喜江山全物色翰林工部不曾來
浮生不必厭西東著屐登樓得句工忽把行編尋勝境降仙寒碧一年中

曉發黃州夜入龍泉館馬上口占

北去東還一病身歲華催換鬢絲新官途可笑行逾遠驛吏頻看意却親日落寒山天欲雪鴉啼古堞野無人客愁正似秦陽老誰把吟肩更

寫真

聞劍水驛卒朝為虎所攬時瑞興一境多虎穴車踰嶺之間人不得通行

莫向車踰嶺上過荒林白虎怒磨牙行逢古驛西村女哭望寒山叫老爺

平山途中

倦馬長途任病身客行蕭散似閑人山城雪暗溪橋遠便得哦詩一味真
長郊行盡不逢人日暮飢鴉啄澗濱說與虎頭能畫否滿山風雪獨歸身

宿灘途中

寒鴉撲撥鵲查查老木杈枒傍道斜
暝雪滿天雲掃地亂峯何處見人家

叢林雀噪人居少落日天昏雲景深
欲向津頭問前館陰風撼壑雪平岑

近來西路使星絡繹驛置凋弊館舍一空
行到金郊歇馬村廬

弊裘羸馬倦遊身行李蕭然似旅人
村姬相看渾不識暫時來憇便生真

松都途中

古城殘日半銜山人與樓禽趁夕還
獨有片雲無處著碧天飛去占長閑

東岳先生集卷之六

端州錄

萬曆三十年歲壬寅十二月二十六日
癸丑以禮曹正郎除端川郡守越明年
春正月二十日丁丑辭朝而行一月初
十日上任越明年甲辰辭病去郡九月
初四日辛亥入京城在官凡五百二十
七日自辭朝至還京共五百七十五日
癸卯正月二十日拜辭闕下赴端川郡路
中有作

賈生單闕歲楚客孟陬辰拜出丹墀曉行歸紫
塞春在朝仍下位爲郡有慈親背指東門道終
然戀北辰

發鐵原土城村次金城縣

鷄鳴蓐食鐵東村北走金城日易昏窮峽寒多
風力峭早春陰重雪花繁
隳家絕塞聊糊口失道荒山便斷魂
五馬使君今死馬客行辛苦不堪論

次金城館壁上韻

書記東征日留詩此客堂關山再行役節序五

炎涼薄宦催身老幽栖入夢長徑思投郡綬歸

去事農桑

已亥秋余以北
評事曾過金城

奉贈德源姜德瑞府使

北海使君東海翁平生磊落古人風道尊一代
終誰識白髮遲回薄賦叢

心似冰壺徹底清暮年栖棘屈高名鈴齋晝靜
渾無事只把深尊管送迎

隳家避賊壬辰夏草檄從戎己亥秋十二年間
三過地海山依舊雪侵頭

日落滄溟波接空春陰欲雪多北風明公愛客

夜開宴錦瑟聲高燈焰紅
未作金鑿毀上人長年驛路走風塵一麾千里
今何恨只是丹心戀紫宸
端州北去路漫漫大嶺橫空雪塞關一曲瑤琴
步虛子不堪回首望秦山

二月初十日入端州郡

憶昨龍蛇歲飄蓬避賊塵誰知此州守當日暫
時人笳角喧先導旋幢擁後陳寵榮同畫錦况
乃綠衣春

是爾荒山遠腰懸墨綬新邑胥迎太守田叟識

傭人一飯堪酬德三牲足奉親國恩良已重無
路荅涓塵

壬辰海賊之亂余與仲兄奔竄北關行
到利城我慈氏病劇不得登途七月初
七日仲兄奉二親先抵端川五日賊騎
猝至舉家蒼惶投匿山谷間僅得脫免
居數日潛赴端川遍訪仲兄不得相見
自是以後死生存歿邈不相知余扶侍
慈氏行乞以食及八月間道還抵洪原
留寓山村明年癸巳正月轉如關西時

天兵復平壤北路諸賊撤歸南中余又
赴端川則仲兄一行入山避賊俱無恙
矣遭亂以來赤身奔走流離狼狽之際
寄寓於端利洪民家者為最久故三邑
乃余家并州故鄉也自余釋褐力求北
官今適得端奉慈氏以來斯乃一家之
幸其不可不志也

咸鏡南道監試初試試官契會圖

癸卯二月十三日設試所于利城縣都
事李君顯英及余與北青府判官李君

德溫為試官

鄉貢仍逢大比年試闈何幸廁時賢判官名重
霜臺老都事才高玉署仙鎖合棘圍春日靜鼓
催詩陣墨雲鮮天涯此會真如夢好倩良工作
畫傳

吉州途中

吉城形勢異秦中山頂平原不作峯二月北風
掀地起雪花如席黑雲重

咸鏡北道鄉試試官契會圖

癸卯三月初九日設試所于鏡城府評

事尹君弘國及余與判官吳君允謙為
試官

天畔俱為去國臣試堂高會屬芳辰三年貢士
須消日八路分場要得人 聖代即看儒教遠
異方偏覺旅情親殷勤一幅丹青裏不信浮生
跡易陳

鏡城館次板上韻奉贈節度使坡平尹相

公性二首

鎮北樓中夜讌開將軍新自漠南迴旌麾影黑
星河沒貔虎聲喧鼓角催幕府壯遊如隔世塞

營重到且銜盃至今未斬單于首匣裏秋蓮繡
古苔

鏡城雄鎮鐵關開此地登樓問幾迴異域星霜
時序改浮生南北鬢毛催即知人世名千載不
直春風酒一盃文肅口碑何處在廟庭寥落但
荒苔

吉州山城院題贈金生景憲崔生命仁

落日山城館濃花艷晚春薄官頻作客殊俗足
相親金大真佳士崔郎亦可人殷勤一尊酒不
覺倒烏巾

題磨谷館癸卯二月十八日以封庫差負
往吉州二十一日還本郡又於三月初四
日以北道鄉試試官赴鏡城十九日還到
于此旬月之間還往之際四踰磨天嶺故
書以識之

鳥道盤雲曲似蛇磨天巨嶺鬱嵯峨行人到此
頭成雪底事春來四度過

春日郡齋書懷二首

一年春事到梨花卧病經旬鬢半華小閣無人
通乳燕深池欲雨聚鳴蛙少時行樂今何在邊

地羈離只自嗟昨夜偶成京國夢滿園新綠是
吾家

春晚關城畫景陰郡齋衙罷坐惓惓野花經雨
紅初亂汀柳和烟碧更深洛下文遊如別世天
涯旅宦豈吾心東風不盡南歸興羞對雲山聽
蜀禽

春日郡齋述懷三絕

官齋寂坐憶郊扉正到春深不得歸一片桃花
落庭際浮生三十便知非
官事無多客到稀暗塵凝几篆烟翻高卷睡足

鈞簾坐閑數花前蛺蝶飛

地遠入稀少簿書山禽晝啅訟庭虛使君自是
幽居慣草長門前也不鋤

雨後謾書

高枕黃堂午睡濃政閑身靜習成慵今晨雨霽
翻多事移菊栽松手自封

戲寄京中諸友人

水部南宮忝下班却分銅虎守端山邑居縱遠
官多暇鄉俗差淳吏少頑昭代久慚人共棄危
途頗覺我偏閑臨軒更喜饒詩景可識天公許

破慳

端川郡舍花卉甚多戲題一律

鐵關迤北即窮荒此地群芳擅一方千葉紫葵
分異種十株紅藥逞新粧荏苒謝後蕃徽折楊
柳陰邊菡萏香也守平生偏好事更移南菊作

秋光

作去聲郡地本無菊花
余始自南開移栽故云

端古女真地也距京城一千二百七十八
里濱海而治壤接陰山磨雲崛其前磨天
矗其後二嶺之險羊腸坦途雖玉節承恩
星軺銜命背倫好而遠逝歷重阻而多難

猶復攬轡怵惕賢勞有嘆况逐臣遷客征
士羈人跋涉崎嶇流飄沙漠俯北溟之無
際望南國而不見臨風戀恨能不浪然遂
作磨雲曲二轉為迎賓之樂磨天曲二轉
為送賓之樂又作關山詞三闋以叙其留
賓之意昇諸教坊叶以絃管每賓至樂作
歌以侑酒云

磨雲高嶺上連雲北極星辰手可捫手可捫壁
立千尋壯劍門畏途艱險不堪論
吳林地與犬戎隣異俗殊音不可親不可親綠

螳搏中萬斛春且將歌吹慰征人

右迎賓曲二轉

磨天嶺上樹蒼蒼磨天嶺下海茫茫海茫茫日
落雲沉客路長駐驂何處望家鄉
關北關南此嶺分故園音信杳難聞杳難聞紫
塞風沙遠離群暫時留醉共醺醺

右送賓曲二轉

關山崔嵬兮雲木凋瀟海渤滂兮乾坤浮鄉俗
獷兮道里脩信非吾土兮不可少留君胡為兮
來遠遊 一章

天窈窈兮雲陰多衝風起兮水增波望秦城兮
隔山阿懷美人兮頭欲皤有酒不飲兮奈愁何
二章

奏空桑兮揚激楚揮若芳兮翠袖舉引羽觴兮
酌桂醕憂心惻惻兮誰可與語君不醉兮毋歸
去
三章

右關山詞三闕

吾乙足堡作

福州之地北邊胡山寨屯兵護塞隅驕子異時
多竊發廟堂今日罄深謨夕烽未報樵兒返宵

柝頻傳戍卒呼安得提兵出沙漠龍刀直斬上
單于

次雙青堡韻

忽驚胡地近且喜塞塵清小堞依山勢深林隱
角聲竹符新太守蓮幕老書生倜儻安邊策終
期報 聖明

次黃土歧堡韻

少小雄心老未休重關歷盡任羈遊破中曉日
人間半夏半寒風塞外秋危棧纔通連大漠癡
雲不動結邊愁氣酣自欲揮鞭去飲馬三江最

上流

五月初三日行到黃土岐堡奉月沙李尚書手札是夜夢陪公飲覺而志之

北塞分符守東槎入幕賓破城書到日京國夢歸身得對花前酒還如沮上春曉林啼蜀魄回首益傷神

黃土嶺作

西登黃土嶺北指白頭山天地窮荒外華夷咫尺間自憐班定遠重入王門關直欲提孤劍長驅去不還

甲山道中

未曾端笏侍天墀鞍馬年年出塞隨豆滿江頭深雪夜義州城畔落花時浮名何用千篇在狂計無成一劍知今日又登夷嶺道拂廬西望鬢如絲

奉荅石陽正難隱書

時公來客北音判官乃公之姪

不見佳公子于今五度春郡城關嶺外田舍錦江濱忽見傳書近仍知作客頻行當載酒去披豁宿心親

奉次鏡城判官楸灘吳汝益學士道中口

占見示之韻戲書述懷

天地窮途客風雲古塞城
酒因無事飲詩作不平
鳴伏櫪霜蹄繫千星
劍氣橫白頭憂國意
日向君傾

題谷口驛壁上

磨雲嶺底古郵亭
日落風烟暗北溟
莫訝行人勤索酒
思鄉望國不宜醒

北青路中口占奉贈判官李溫士和

驅馬關城遠連朝海日昏
山河大風雨雲霧暗
乾坤墨綬縻荒郡
茅廬鎖故園途中多少恨只

欲與君論

五月十六日五峯大學士壽辰也竊念不
佞曾於往歲得忝賀賓之後而跡縻窮塞
路絕高屏戀德感舊率題成篇言志而已
非以為詩也謹錄寄呈用希一粲

去年今日畫堂中曾捧霞觴祝謝公
鸞鵠峙庭瞻玉樹貂蟬盈室坐春風
誰言出塞身仍滯正憶登門禮最隆
願寄壽詞那得達鐵關重嶺遠鏡空

弘文館舊有大學士硯乃我曾王父容齋

公所置也。于壬辰兵燹五峯李相公得
安東洪府使襪所惠大石硯以續舊事因
求端州玉硯滴玉書鎮以為之伴仍占近
體一首謹錄寄呈用伸鄙誠

憶吾容祖掌絲綸留硯鑿坡製作新後代相傳
並衣鉢比年多難墜烟塵斯文有主歸公乎故
事重修待異人刻琢敢辭供妙用只慙家業又
沉淪

蒙示忍齋洪相國詩硯果自止亭始但容
齋公行狀曰古無主文硯止亭為大硯傳

于公曰此所以為斯文傳心也蓋是硯出
止亭手初非王堂物也傳于公者凡主文
衡造必舉人自代示其意必傳是任於容
齋公也容齋公始得是硯未及再傳逢時
不幸歸諸王堂官其硯而不于家公其傳
而不于已因以為王堂一故事自其硯觀
之始者止亭自王堂言之容齋公抑非其
始乎此前詩所以謂王堂大學士硯乃我
容齋公所置者也其果為不可乎嘗聞此
硯零落兵間不鄙賜教顛末甚悉舊者既

全又置其新潤色詞林要永其傳斯文盛
意前後一揆吁其躋哉吁其躋哉敬次來
韻庸異微志此記硯事與魚叔權稗記小
異先生嘗欲作誌誤詩不果
三百篇已復見詩須知此硯與公宜止翁試托
斯文重容祖留為故事奇古器有歸神物守大
才無敵盛名隨中興詞伯從今數畢竟傳衣又
屬誰

附元韻

端州李使君聞僕得安東洪使君所惠
紫石硯以續王堂大硯古事謂王堂舊

硯出於其曾祖容齋相國仍有感舊之
懷以書及詩寄王滴一雙王鎮一雙龍
鬚筆等件以伴之如端州可謂不忘本
矣余嘗見忍齋洪相國傳硯林塘鄭相
國詩有曰衣鉢相傳自止亭觀此則硯
之置自止亭始矣第一傳於容齋則雖
謂之自容齋始可也此硯方壬辰之亂
在漢陰相國第見夫及天兵之撤回也
戚游擊金以一大硯遺漢陰視之則乃
王堂硯也盖一民家取此硯作支龕臺

成收之臨歸以重難運遺之噫物之終
始豈非數也兵火之餘滿城珍寶蕩然
一空而獨此硯得全且失於漢陰而得
於漢陰又何奇耶僕招玉工更加拂拭
為之置奩加蓋一如平時之舊想止亭
始置時其有加此者歟安東使君所贈
不足擬議於斯文盛事也漢陰方擬作
銘以傳於僕仍畧叙顛末且申長律一
首以謝李使君云爾

聞傳衣鉢忍齋詩止與容交謂皆宜亂後幸

全神實護近來加飾久逾竒非才敢忝諸公
列好事仍將象具隨玉滴龍鬚正相契從知
此物捨君誰

石陽正手畫蘭梅竹為一卷號曰三清帖
西垞柳相公首題近體詩一篇東臯崔相
公跋其尾一代交游之士相與繼和以贊
其美因示余求詩遂書此以奉

六月炎蒸坐欲癡忽擎華帖洗昏眵清標植物
有三者好事王孫能一之筆底生成奪造化
卷中題品盡當時西垞首什東臯跋何用端山

太守詩

公子前身楚屈平至今猶愛石蘭馨
疾藜滿地花偏紫鸚鵡鳴秋葉尚青
即見濡毫輸盡記因思結佩着騷經
傷時願為援琴鼓古操無人試
一聆

右蘭

灘叟曾中幾樹梅春風隨手騰前
回枝仍老恠臨溪亞花自清癯破
雪開換骨尚看仙韻在返魂疑有
異香來緘藏莫用頻携翫恐受人
間一點埃

右梅

草木芳菲滿世間獨將東絹寫琅
玕朔風搖落

全孤節春雨空濛長幾竿露穉似
從辰日種烟枝恰作渭川看如今
不必移家去便合隨君至

歲寒

右竹

流頭日贈都事李顯重卿

鄉俗流頭日親朋會面時池清荷
氣散庭晚柳陰移去國身俱遠逢
辰意易悲悠悠浮世事細酌不須
辭

奉寄權汝章

春初一別漢江濱塞外逢秋鬢欲
銀莫恠相思不相問關山迢遞少
歸人

雨晴關樹起秋風此日懷君意不窮欲把新詩
報消息萬重雲嶺碧磨空

七月十七日夜風雨大作

憂國平居祝歲豐况來荒郡課田翁秋城雨急
風掀屋不脫朝衣坐夜中

八月十五日雨中書懷奉寄任寬甫趙持

世權汝章諸君子

身佩州符滯海陬忽驚時序到山秋烏壘驛裏
風雨急寒碧樓頭河漢流每歲陰晴異天氣此
身南北並羈憂明年却對何鄉酒自唱新詞望

故立

福州城上多松林福州城外滄溟深昨日今日
雨不絕南望北望天正陰玉輪皎皎此宵滿銀
闕沉沉何處尋安得長風一掃洒萬方如晝快
煩襟

秋霖漠漠暮雲重嘉節誰言此日逢未把深樽
贍白兔但憑孤枕聽寒蛩鄉間在眼身何遠簿
牒關心事轉慵遙憶故人江漢上清遊還躡昔
年蹤

八月十五日得端甫詩乃端陽日所寄也

因次其韻以附歸使

我為邊地守君在廣寒居忍對中秋月方停午
日書塞天臨海閣秦樹出關踈宦况何須問蕭
然野老如

奉寄朴正郎叔夜

舊日南宮侶因人問起居相思千里月不得一
封書地僻官亭古天平海國虛春風郭東餞回
眼重愁予

奉寄南郭朴

東說舍人說之

寄語城南丈秋深轉憶歸邑居瀕海遠京使到

關稀丐郡緣親老憂民屬歲饑誰憐百年事一
一與心違

聞石洲權汝章除授童蒙教官勸令就任
愛爾江湖士才高性不羈俗徒今共忌 恩命
竟何辭捧檄非干祿監門且避時童蒙教授職
况乃是入師

郡樓晚眺有懷石洲權汝章鳴臯任寬甫
諸君

積雨今朝霽憑高一散愁片雲低度塞群岫遠
當樓海近秋寒早郊平夕景幽恨無諸子手新

什與相酬

新晴天宇曠雲物澹高秋
返照虹初斷遙汀樹
欲浮偶景非吾土
懷鄉惜遠遊平生湖海友
此際倍離憂

疊用前韻寄許端甫

郡齋嬰疾久秋至憶郊居
水日昏昏睡孤懷咄
咄書敢云官序屈只是吏情踈
仰看南歸鴈吾生愧不如

歸鴈二首寄示鳴皋子石洲散人

金河萬里鴈八月又南征
露冷關山曉風回澤

國晴群飛自成陣哀叫有何情
此日邊州守思歸鬢雪明

目送南飛鴈曾同爾北來
秋風忽已至鄉國未能回
斗粟留人住流年與老催
孤城瀚海上日暮自生哀

郡居書懷寄示金壘佐郎冠玉

謀身何太拙得郡亦云叨
補國區毫髮侵民及
血膏盃盤一餉樂
畎畹幾人勞坐念林居日
藜餐適所遭

郡齋秋日即事口號

懶慢無堪疾病攻坐糜公俸果何功秋來點檢
居官事移竹三竿菊一叢郡舊無竹菊兩種余乃移竹于洪原海島
諸客館東軒之下
昨夜秋風墜井桐寒鷓飛斷海天空西齋一枕
東湖夢烟澹蘋洲月滿蓬

赴孟山途中紀行六首

九月初五日發定平府宿永興正邊社
翌日午憩沸流水祭堂宿橫川倉又翌
日午憩三城夕入孟山縣自定平迤西
行至孟山三百餘里之間有七大嶺山

岳深險道路纔通田舍村庄多在其間
巖壑秀麗頗有林泉之勝云

定城長峴北永邑古倉西樹擁重重嶺巖崩曲
曲溪逐難從厲揭緣壁費攀躋不有門閭望吾
行意慘悽

峽中有平地原上多居民豈但土性沃復聞鄉
俗淳蚕桑以為業鷄犬自成隣嗟爾遠遊子晨
征良苦辛

朝上層峯頂暮行寒澗濱古松多背日幽鳥不
驚人已與塵境遠况逢秋景新林間有村塢無

乃避秦民

盡日行山麓山深多異蹤奔泉撼大壑狼石柱
危峯古磴秋花細陰崖夕霧重高飛兩白鶴時
復唳雲松

峽路幾百里山川幽更佳峯高日易側洞黑雲
常靈落葉蒲松壑寒花明石崖居人倘相許着
我一茅齋

曉起行山中衣袂颯涼風初日出林表霧露浩
濛濛霜楓爛如染澗壑相映紅境靜忘路險幽
意方自冲下馬板橋上少憇漱流泉

寄贈平安道都事尹繼而述

今代龍頭選唯君最少年可憐蓮幕佐誰信玉

堂仙澗色風烟古端城道路偏清秋如見憶一

為寄新篇君丁酉調聖壯元時年二十一歲

九月九日題孟山館時伯兄氏亦為觀書來會

兄弟連床日秋風落帽筵峽深楓葉老霜薄菊
花鮮上壽霞觴舉留歡蠟炬燃涪江與粟里回
首正堪憐

棣萼三人會萸房九日期還吹孟嘉帽並着老
菜衣席上歌爭咽燈前舞更飲南征有鴻鴈誰

羨一行飛

秋深山閣曉霜繁紫菊紅萸映壽樽此席敢期
聯伯仲幾州能得奉晨昏歡呼不覺烏巾墮戲
舞仍看綵袖翻已占人間好重九寸心還自戀
天閣

發永興次定平夜讌席上戲呈府使柳詠

令公

客宦何須嘆君恩到處多初醒永興酒更聽
定平歌綺席依黃菊銀燈照翠蛾殷勤向公道
報國意無他

奉次月沙李尚書題定平館韻戲贈府使

柳令公

籍甚銀臺老英聲自殿中恢弘公輔器謇諤諍
臣風暫作關城守徧令邑圉空佇看徵召急陶
冶贊天工

鐵嶺重關外宣威古鎮中登臨非故國搖落又
秋風夕照明寒渚孤鴻沒遠空詩窮真漫語宗
伯句全工

哭古玉鄭

碣

教官

因

卒

于

旅

寓

州

鄭老鬚如雪閑居七十年俊才天下士豪氣酒

中仙一笑聊觀化二生久息緣空留詩卷在秀
句世爭傳

暫別麻湖夜音書杳不聞誰言六載且便作九
泉分人物嵇中散才名鄭廣文岌岌首陽下回
望但孤雲

奉送灾傷 敬差官李令

集

士源還京

十月磨雲嶺天寒積雪明忍持孤客酒却送故
人行塞邑非佳境軍伶是惡聲歸心逐征旆直
入漢陽城

郡齋夜坐書懷

玉班無路選駕鴻坐嘯鈴軒歲欲窮地屬黑山
秋早雪天傾滄海晝多風行當解印追元亮忍
復緘書向予公中夜使思田里興隻鷄朋酒聚
隣翁

萬曆三十一年歲在癸卯十月初五日恭

受 內賜新印大學一部豈意糞土賤臣

獲霑不世 殊恩望天仰 聖無任感激

之至謹拜手稽首書于端川郡之衙軒

微臣蹤跡阻金臺出守遐荒歲又闌學教未已

千載下 官編忽布五雲端須知 聖代崇儒

化故許新刊得遍看再拜瞻天一掬淚
如海報應難
洪恩

敬次五峯大學士辱寄詩韻

詞伯平生愛麴君新詩百首俟微醺
西江花柳迷洲渚北岳風雲納曉曛
人似晨星看落落事如春夢覺紛紛
孤城忽在相思字寒雨鳴簷夜欲分

天涯何處望夫君強酌官醪不作醺
窮塞一邊滄海闊亂山千疊夕陽曛
年華瞥眼催遲暮世故關心剩糾紛
最憶春深浪西路蓋樓風月許

平分

附元韻

苦憶端州李使君空堂呼酒對誰醺
近聞豺虎窺山障能復斑斕舞夕曛
白鴈不示書晚晚黃花垂老雨
繽紛猶將一紙煩相適詩到今秋減十分
五峯

北青道中遇雪口占先寄李判官士和

曉發居山館天陰歲欲闌
朔風號古木飛雪滿征鞍
異日相如渴茲行范叔寒
使君能解事持酒辦清歡

戲呈南道節度使鄭令公沅無示李判官

士和索和

愛士將軍重安民太守賢
聖朝無急警暇日
且留連寶曆行瓊學飛靈墜玳筵煩君謝睡手
高會好流傳

寄趙察訪權教官

我憶趙持世無懷權汝章才名兩烏赫身事一
清狂風月西江勝山川北塞長相離無隻字歲
暮轉心傷

歛谷韓明宰石峯手書竹風梧月四字揭

諸東軒壁上送山僧來求一語率題塞教
曾聞鶴林縣地僻海山深篠蕩千竿碧梧桐一
院陰涼風秋憂玉皓月夜從金內史清真者分
符愜素心

寄題歛谷衙軒為韓石峯作

習磻衙舍海東崖川陸橫分境最佳皆骨山形
聯後嶺扶桑曉色漾前堦竹亭露氣晴猶濕松
壑雲陰晝自靈此地平生不曾到夢魂隨月入
梧齋

歲暮郡齋閑坐無聊偶爾命駕乘雪出城

因抵雲住山寺翌朝還郡

偶騎款段馬晚出郭西隅心曠若有得體舒無
所拘平蕪散飛雪古樹集栖鳥尋寺歷溪曲谷
深山逕迤
獨行礪邊路山雪墊烏巾小剎可十里老僧唯
一人官閑身自逸境闋意逾真日夕澹忘返晤
言將及晨

又絕句一首

日暮烟昏雪滿空行尋古剎入山中禪心不覺
使君至頭戴黃冠一野翁

癸卯十二月二十七日被薦備邊司超授
吉州牧使臺官論以驟陞旋仍端川戲書
書生釋褐五年間四品官高忝驟攀家範恐墮
冰簾操廟謔翻擢三貂班極知公議慳名器頓
覺心源透利關賀客未歸騰吊語笑着天際片
雲閑

甲辰元日

時元兄氏奉慈侍來
戶孟山仍留于郡

東風吹暖入椒盤日上鈴齋雪乍乾父老分庭
初罷賀弟兄聯袂且承歡身經世難方知命仕
為家貧敢擇官五色斑衣稚子舞磨雲嶺外即

長安

正月二十日天氣暄和郡齋晚起有懷東

平舊居

睡覺晴曦潑眼明隔窓啼鳥已春聲遙知天下
梅花老石逕苔深點玉英

寄贈高山金善察訪

曾於太學揖風神屈指如今二十春平日龍猪
分宦路中年燕鴈阻兵塵一言未接傾心久千
里相思作夢頻關外忽聞高駕近故將詩律托
交新

奉贈鄭御史滿和伯應教

白髮端城守何年到上京平生好兵法中歲竊
詩名得免窮途痛非關小吏輕對樽歌一曲謾
作不平鳴

鄉校落成宴書示諸生

學宮兵火慘空基棟宇丹青儼舊規配祀在依
王者事集成咸仰聖之時德參天地能教化道
在詩書合近思行禮講論今有所行看鄉俗變
澆漓

黉舍開筵慶始成亂餘儒教闡文明經營正賴

諸生力獻酢毋忘老守情父子有親無過孝聖賢為學只由誠雍容一席勤相勗莫使文翁獨擅名

二月二十五日奉兩慈氏設壽宴于郡館

東軒時伯兄氏預焉

板輿齊捧太夫人上壽開筵松蘿新玉母種桃初結子麻姑見海又揚塵綺紈耀日華粧整絲管旬天妙曲均盛事自將詩作記端州公館甲辰春

七十加三六十九高堂鶴髮兩慈顏江郎避賊

行傭地朱叟懷章作宰還玉暈頻傳歌板急春風微動舞衣斑國恩今日偏知感南向三呼萬

壽山

時慈氏年六十九歲生慈氏年七十三歲

二月二十七日宴老人于郡館九十以上

三人八十以上二十二人七十以上五十

七人合八十三人通計其齒共六千餘歲

八十三人歲六千鬚鬢白髮雪垂肩吏扶鳩杖分行入妓捧鸚杯逐齒傳戎馬共經多難日鑿耕重覩泰平天自慙養老無佳政短什惟祈壽更延

春日郊行絕句三首

平明出郭雨微晴
卷北村南信馬行
堪笑使君如布穀
春來處處勸人耕
去歲秋霖米敵珠
田頭饑婦掇春蔬
渾家坐喫官厨飯
深愧村翁伴子鋤
花落長堤草色勻
雨餘溪水碧羅新
廣津西曲應如此
只欠年前載酒人

春晚書懷

新晴憂旱雨憂霑
蒼色偏勞望歲心
去夏大蝗人轉壑
前秋早雪穀逾金花
飄山郭
鷓鴣聲滑水

漾沙堤柳色深行
遍里閭煩省俗
二年春事一悲吟

獨坐書事

獨坐鈴齋寂庭花
又一春此身非疾病
何事輒頻呻
鬼戶煩徵布關防可丁責納麻布
田急採銀計田福夫輪役銀礦
更堪州牒至公讌督時新

定平館即席走筆奉贈柳令公

雨晴官柳綠鬢鬢
客路初經三月三
共是出關歸不得
佳人莫唱望江南時平有妓善歌

次定平衙舍草堂壁上韻

明府官居僻依林一小堂風烟接郊路籬落對
田庄古柳深巖岸新荷側點塘政成公務簡留
客且銜觴

慈氏年老眷戀舊居不樂久留外郡三月
初四日發端川還京城陪侍以行二十日
庚午到高山驛告辭還郡有感而作

吾生三十四年非已覺人間萬事違荒塞久爲
銅印繫故問遙送板輿歸孤雲極目迷長路寸
草傷心帶夕暉行盡驛亭攀別地春風吹淚濕

征衣

冠岳山天印上人爲來索詩書以贈之

吾憶佛聖寺偶逢天印師平生未見面千里故
求詩花落官居靜鳩鳴春晝遲臨分五字律一
壑結幽期

杖錫凡塵外飄然不定居雲移關嶺遠月出洞
天虛覺性清無染禪心炯自如深慙五斗米身
世似池魚

浮屠蹤跡本無依萬里長空一鷓飛遙塞偶尋
羈客至短筇翻逐片雲歸花殘銅渡回蘭棹月

滿珠臺掩石扉自笑世緣何日了故山回首悟
今非

次卷上韻送印上人還冠岳山

天涯送爾還京邑待得秋風訪我不一壑雲林
牛耳洞草廬新卜小溪頭

白沙學士郊居予能得閑情似此不小閣焚香

春日永刺桐花落古墻頭尹次野號白沙陸禹
御號郊居兩君詩俱

在卷中
故及之

馬塲山臺作

偶出城南路登臺坐翠微四溟涵地軸萬象許

天機公器名何取浮生是歸晚來風浪急遙
見白鷗飛

奉答石洲權汝章書

塞城春候晚五月見桐花吏散門仍掩庭空雀
自譁遠遊更歲律孤坐憶京華此日鄉書到開
緘是永嘉

聞說離京口閑居海島中官曹鄭處冷身事益
郊窮盛世輕才子吾生作醉翁歸田賦已就不
復待秋風

鮑昭詩俊逸阮籍酒顛狂宇宙唯吾輩風雲各

異方廢城天北畔孤嶼海中央丘壑平生志終
當老一鄉

獨步才誰敵相者意最親別來頻改歲書到又
經春寺洞烟花暗湖亭野草新佳期行已晚悵
望一霑巾

關塞三年別春風一紙書君才窮太甚吾道怨
何如甯戚衣仍布馮驩食且魚區區故人意莫
說晚相踈

壽詞一篇寄上五峯李尚書

浴蘭嘉節恰經旬南極增輝岳降辰鳳閣文章

大學士雲臺圖畫中興臣公時策扈從榴花照
席歌常棣竹葉搖樽祝老椿蓮幕下僚榆塞吏
阻陪賓榻坐馳神

祈雨雲住山茶罷而雨

山頭拜跪夜方中雲漢昭回屬蘊隆三辨香烟
纔裊裊一犁膏雨正濛濛須知天意偏仁愛敢
道吾誠得感通清曉吏民相拊賀陋邦從此占
年豐

立秋

鐵關咸嶺上磨空路阻秦城信不通悵悵一千

三百里郡齋今夜又秋風

秋夜雨中

梧軒風雨夜颼颼抱病天涯又一秋東浦荻花
南里菊不堪幽興入新愁

秋雨連日夜坐述懷

庭梧一葉已辭柯羈宦偏驚歲月過塞郭傍山
秋氣早郡齋臨沼雨聲多謀身遠愧銜蘆鴈行
世真同赴燭蛾遙夜曲肱成假寐夢中滄澤渺
烟波

七月二十五日至二十七日風雨不止郡

閣夜坐有懷漢陽故居

螢照公庭暗蛩鳴古館幽小塘三夜雨遙塞二
年秋貫酒尋麻店觀魚出楮洲病來官况少歸
興不禁愁

辭病南還書示邑中父老

不敏忝蒙朝寄守郡歲餘性迂才拙治
效淺如上不能奉文簿而應期會下無
以敷惠澤而祛民瘼官務積廢譴責交
加事多宜去義難苟容拂衣歸田今日
亦晚豈意邑人相與來聚牢閉城門環

守衙舍動輒遭挽行不得發至三晝夜
繼以呼泣擁馬卧轍之舉曠代罕覩况
如不敏其何敢當此盛意乎顧已揆分
益自赧然因作長律二首以示情素張
翰尊鱸陶潛松菊秋風已至歸興難遏
其各罷去毋相阻撓俾遂余區區之意
也

二年無術活民瘡但覺憂時鬢易皤何令可能
居上考道州元自拙催科義母苟合歸奚緩事
有難堪病轉多却愧邑中諸父老擁城三日淚

如河

檇散平生少宦情偶分銅虎出幾篇了無異故
安眠俗只合閑居養性靈身計是非翻自悟世
途榮辱飽曾經歸心已決休相挽秋晚鄉園菊
又馨

郡中諸生追餞利城有以詩章贈行者次
其韻而答之時萬曆甲辰仲秋八月初九
日丁亥

五百三旬日吾歸已太遲性迂公務劇身倦宦
情微素食心常愧驪歌意却悲感君相送遠盈

紙狂新詩

每擬休官早誰教見事遲海城秋草遍郵店夕陽微出餞情偏重臨離語轉悲顧慚為政拙無以副君詩

期君別後各平安歸路相看轉厚顏坐嘯半千三十日幾家無食幾人寒

樽前不用唱離歌海樹秋風奈老何經歲折腰關塞路故山蘿月夢中多

鄉學青衿最少年愛君高義薄雲天忽忽別路重重語黃卷尋常對聖賢右答李之遠

八月十六日題永興館

雙池水滿碧涵空人在芙蓉玉露中松月漸高栖鶴起洞簫聲徹廣寒宮

永興府使朴慶新令公席上作

千株綠楊裏官閣似村庄松影分雙沼荷香滿一堂狀元多秀句宗伯有新章物色餘無幾何人更擅場故府使柳公永占狀元及第月沙李尚書時判禮曹兩公俱有留題

陶令辭官日山翁置酒時歸心粟里宅留賞習家池高義容疎懶清談惜別離餘生托知己不恨此行遲

盛世青雲士名區白露秋禮加徐子榻興比庾
公樓月出荷塘靜烟沉柳岸幽笙歌三日飲千
古極風流

德源逢洪元命樂夫都事

秋風吹雨響疎桐古塞寒燈逆旅中人事悲歡
四霜露世途夷險兩萍蓬乍逢旋別真如夢未
老先衰易作翁清曉征驂相背發鐵關城外海
連空

江渭年來絕尺書天涯萍水又分裾遠辭粉署
趨蓬幕新解銅章返草廬長路傷心秋色晚清

時抱病宦情疎行憑白鴈如相問烏石磯頭坐
釣魚

宿金化縣憶具大受庚子夏余以北評事
還京城君時宰是

縣見留
一日去

青山矗矗水淙淙此地哦詩共倚松今日獨來
尋古院滿庭秋草語寒蛩

東岳先生集卷之六 端州錄終

